


Trafikoa Istripu kopuruaren gorakada

1998an errepideetan istripuz hildakoak



Euskal Herrian gero eta auto gehiago dabil, eta gehienak inguru beretan ibiltzen dira, gainera. Hori dela eta, trafiko dentsitate gehien duten errepideak dira sareko puntu beltz nagusiak: N-1a, A-8a, N-634a (Bilbo-Donostia) eta Andoaindik Irurtzuenerako A-15 autobidea. Hala ere, badira dentsitate handia ez izan arren oso arriskuatsuak diren beste zenbait. Aipatzekoak dira, hain zuzen ere, GI-632a (Bergara-Beasain); BI-625a (Bilbo-Laudio); N-240a (Bilbo-Barazari); Puiu eta Tafalla arteko tartea; A-15era sartzeko elkargunea eta Donibane-Garazi artekoa.

Jone Larrañaga
DONOSTIA

1998a Ozeanoen Nazioarteko Urtea izan den moduan, hasi berri dugun hau, 1999a, Bide Segurtasunarena izango da nazioarteko osoan. Mundu zabalean, errepideetan uneoro izaten den arriskuaz ohartaraziko da, eta arrisku hori saihestu eta istripuak gutxitzeko, hezkuntza plangintzak bultzatuko dira.

Euskal Herrian ere hala egingo dute administrazioek. Aurreko urteko datu ikaragarriak ikusita, behar-ko zerbait egin!

Errepideetan segurtasuna bultzatzeko urtea izango da hasi berria den hau nazioarteko osoan. Indar berezia jarriko dute agintariak hezkuntza arloan

Euskal Autonomia Erke- degoko (EAE) Bide Segurtasunerako Batzordeak —administrazioek eta hainbat erakundek osatzen dute— joan den hilaren erdialdean onartu zuen aurtengo Bide Segurtasunerako egitasmoa. Plan

horren helburua hau da: Arabako, Bizkaiko eta Gipuzkoako errepideetako egoera hobetzea, eta, hartara, istripuen kopurua jais-tea.

Kontuan hartuz, baina, aurtengoa Bide Segurtasunaren urtea dela, egitasmo-

ak indar berezia egiten du hezkuntza alorrean. Egitasmoaren barruan, eskola-umeei propio zuzendutako kanpainak jarriko dira abian. Besteak beste, ikastaroak antolatuko dira eta eskuorriak argitaratuko —horien artean bat gurasoei zuzendutakoa—. Bide segurtasunaren olinpiada bat ere egingo da ikastetxeetan.

Gainera, gai horri buruzko kongresu bat antolatuko da, eta ikastaro bereziak egingo dituzte zikloturista eta antzeko taldeentzat.